

آبونه شرائطی : هر بر ایچون
سنه لکی (۴۰۰) آلتی ایلمی
(۲۲۵) ممالک اجنبیه ایچون
سنه لکی (۴۵۰) ، آلتی آیلنی
(۲۵۰) غروشدور.

نسخه سی ۷،۵ غروشدور .
سنه لکی ۵۲ عددور .

اداره خانه : باب عالی جاده سنده
رشید افندی خاندنه

اخطارات

آبونه بدلی پشیندر .

مسلكه موافق آثار مع المنونیه
قبول اولنور . درج ایلمین
یازیلر احاده اولنماز .

والله یهدی من یشاء الی صراط مستقیم

کتابخانه

۱۳۳۰

صاحب و مدیر
اشرف ادیب

باش محرر
محمد طاکف

آدره من تبدیلنده ایریجه
غروش کوندرملیدر .

مکتوبلرک امضاری واضح
واوقوناقلی اولسی و آبونه
صره نومروسنی محتوی
بولونمسی لازمدر

ممالک اجنبیه ایچون آبونه
اولانلرک آدرسلیرنک
فرانسزجه یازلمسی رجا اولنور .

پاره کوندردلیکی زمان نهیه
داثر اولدیغی بیلدیلمسی
رجا اولنور

اتبعون اهدکم سیل الرشاد

ایددرک اونلرہ عائد بوتون مؤسسائی یقمشلر و بوحرکتک منسوبیندن بعضیلرینی خاجہ کرملاردی . ۱۶۱۰ سنہ میلادیہ سنده وقوع بولان بوتضیقآندن یکریمی سنہ صوکرابوطائفہ و وحدینک یاتثلیت عقیدہ سنی قبول یا خود لهستاندن چقمہ لری ایچون کنڈیلرینه حکومت طرفندن تبلیغات وقوع بولمش ، بناء علیہ بونلرک برقسئی ارتداد ، برقسئی فلمنکک ، المانیایہ ، ترانسیلوانیادہ ہجرتہ مجبور قالمشلردی .

بو توحید حرکتی ترانسیلوانیادہ اون آلتنجی عصر میلادینک صوک قسمندن اعتباراً باشلامشدی . مسیحک الوہیق علیہندہ وقوع بولان مناقشہ لری برچوقلرینک مسیح عبادتی ترک ایتمہ لرینے مؤدی اولمش و بو یوزدن قانونیکلرہ موحدلر آرسنندہ چوق الیم مجادلہ لری وقوع بولمشدز . بالاخرہ مجارستاندہ برموحدین کلیسائی تأسس ایدہ بیلمشدرہ . اون آلتنجی عصر میلادیہ تثلیت علیہ دارلنی انکلتزہ یادہ کینمشدی . ایکی عصر ظرفندہ انکلتزہ تثلیت علیہ دارلنی برچوق اقادہ میلردہ جای قبول کورمش ونہایت اون طقوزنجی عصرده توحید اساسی اوزرہ انکلتزہ مدرسلر و بواساسی مدافعہ ایدن برچوق مجموعہ لری تأسس ایتمشدر .

بوموحدلر حرکتی اسقوجیا و ایرلاندا یادہ نفوذ ایتمشدر . کرک ایرلاندا ، کرک اسقوجیادہ بوموحدلرک برچوق جمعیتلری و مجموعہ لری وارد .

آمریقادہ ایسہ بو حرکت واسع بر نفوذ تأمین ایتمش ، بواساس اوزرہ برچوق مدرسلر کشاد اولونمشندن اون طقوزنجی عصرک مبادیسنده (بوستون) ک بوتون کلیسائی عقیدہ تثلیتہ مخالف و توحیدی قبول ایدن ذوات طرفندن اشغال اولونمش . نیویورق ، بالتیمور ، واشینگٹون ، شارلستون و امریقانک سائر ولایتلرنده توحید اساسی اوزرہ کلیسالر انشا ایدلمشدی . اون طقوزنجی عصرک مبادیسنده امریقادہ موحدلر حرکتک باشنہ کچن (ویلیام شاینینغ) حقیقی و موحد خریستیانلقی تأسیس ایتمک غایہ سنی استہداف ایتمکینی بیان ایدرک بو اوغورده مهم بر حرکت ارشادیہ تأسیس ایتمش ، امریقانک ہر طرفہ عقیدہ تثلیت علیہندہ بولونمق اوزرہ میسیونر ہیٹلری کوندرمش و بو عقیدہ بی اساس اتخاذ ایدن مؤسسات علمیہ وجودہ کتیرمشدی . موحد کلیسالر عقد ابتدکاری قونفرہدہ حضرت عیسی طرفندن کتیریلن دینک ایکی اساسدہ طوپالاندیغنی ، بواساسلردن برنجیسنک محبت اللہ ، ایکنجیسنک اخوت انسانیہ اولدیغنی قرار ویرمش ایدی . آمریقادہ بو عقیدہ نک سالکلری کون کچدکجہ توسع ایتمکدہ در . یکرمنجی عصرک بدایتندہ آمریقانہ

بوموحدلرک (۴۶۱) کلیسائی بولوتیوردی . بونلرک نشر ایتمکلری ازلرہ مجموعہ لری پک چوقدر .

بومختصر ایضاحاً تمزدن اکلشیلورکہ صوک عصرلردہ خریستیانلق طالندہ تثلیت عقیدہ سنی اساسی بر مجادلہ ایلہ قارشیلانمغہ باشلامش ، حقیقی خریستیانلقک احیائی نامنہ یکی بر عقیدہ توحید ظہورہ باشلامشدر . تثلیت عقیدہ سنک ہدمی و آنجق رب العالمینک الوہیتہ ایمان ایدلہ سنی اساسنہ مستند بر حرکت دینیہ نک خریستیانلق طالندہ ظہوری و بر چوق تضیقات واشکنجہ لردن صوکرہ تأسس شایان دقت بر حادثہ در . فقط بو حرکت چوق ناقصدر . بونکہ برابر بز ہیچ شک وشبہ ایتمہ یزکہ بو حرکتک تأسسنده جهانشمول نفوذی معلوم اولان دین اسلامک تأثیر کلیسی اولمشدر . بوکی حرکتک خریستیانلق طالندہ ظہوری تثلیت عقیدہ سنک وجدانلری تطمین عقللری خوشنود ایتمہ دیکنہ اک بویوک دلیلدر . . بناء علیہ بوکون یر یوزینک ہر طرفندہ عقائد و حقائق اسلامیہ بی نشر و تلقینہ چالیشان اسلام مرشدلری بولونسہ بونلرک عظیم موفقیتلر قازانہرق کلہ اسلامی ہر یردہ اعلا ایدہ جکلری محققدر . نہ چارہ کہ خریستیانلق عالمی مسلمانلق و مسلمانلر حقندہ بر طاقم متعصب خریستیانلرک بزہ دائر یازدقلری ازلردن معلومات آلیور و بزنی حفیض وحشت ایچندہ تحیل ایتمکدہ دوام ایدیور . کیم بیلیر بز نہ زمان اویانوبدہ باشقہ ملئلرہ تماس ایدہ جکز و اونلرہ دینمزک حقائق تلقین ایدرک بشریتک انوار قرآن ایلہ مظهر ہدایت اولماسنہ حامل اولاجنر . مسلمانلق ، دنیانک صلاحہ خادم ، دنیانک اعتلا و تنورینہ حامل ، دنیایہ فلاح و نجات رہبری اولاجق بر ملت ایستر . عجیب بز نہ وقت بوملت اولاجنر ؟ ...

ع . . .

پایاس مکتبہ لریک مدی

استانبولده (۳۶) پایاس مکتبی واردی و بومکتبہ (۲۰۰۰) قدر مسلمان اولادی دوام ایدیوردی . حکومتنر بو پایاس مکتبہ لریک خریستیان دینہ عاڈرسملری ، خاچلری قالدیرمالری ایچون متوالی اخطاراتی و بومکتبہ لریک پاییلندہ اولان تدریساتک خریستیانلقی نشر و تلقین ایتمکہ اساسی اوزرہ پایلماسنہ دائر وقوع بولان مطالبی پایاسلر طرفندن قبول ایدلماش اولدیغندن حکومتنر بو پایاس مکتبہ لریک سدینہ قرار ویرمش و بونلری فملاً سد ایتمشدر . توحید افکار رفیقنر بو مناسبتلہ یازدیغنی بر باش مقالہدہ دیورکہ :

مملکتتمزدہ اوتہ دن بری قوتلی بر شبکہ فساد تأسیس ایتمش اولان پایاس مکتبہ لریک سدی حقندہ حکومتنر جہ اتخاڈ ایدیلن قراری

عادتاً برداستان مفخرت حالده نقل اولونور. بونك الكضوك برمثانی فرانسه مبعوثانندن واك متعصب قاتوليكردن اولوب كچنده وفات ابدن (موريس بارهس) ك شرقده اجرا ايتديكي بر سياحت نتيجه سنده (روو دووموند) مجموعه سنده نشر ايتديكي نوطلرده كوريرز. (موريس بارهس) روحندن قوبوب كان غليانلي بر جوش وخروش ايله راهبلك شرقده عصرلردن برى نلر ياپديغنى، دهاده نلر ياپه بيله چكنى جداً بك سحاره، قوتلى اولان قلميله اوزون اوزادى به تصوير ايتمش، مملكت اوغوزينه استحقاق حيات ايدر چه سنه چالیشان بوفدا كارلره حكومتك معاونت و حمايتنى دها زياده ابدال ايتمى لازم كله چكنى اكلامغه چالشمش وه دها ايلرى كيدمك مملكتتمزك بر جوق برلرنده ايتاليان راهبلك فرانسه رهبانندن دها زياده ايش كوردى كنى وموفق اولديغنى سويليه رك بونك اسبابى آرامش واورته به برطاقم فكرلر آتمشدر. بونلرى اوقويان و حقيقت اولدوغنى كوزلريله كورن بر تورك ايچون درين بر ألم وتأثر طويماق قابل دكلدر. چونكه بو مملكتتمزك خارجدن براردو و دونما ايله استيلاسى دكل، جهالتى كنديسنه الك بويوك يارديمجى بولان مسخر بر قوت طرفندن داخلدن ضبط وتسخيري ديمكدر.

بونلر، مملكتى وقتيله بوش بولمشردى. دها طوضروسي قايتولاسيو. نلر المزى آياغمزى باعلامشدى. يابدقلى ايشه، دينغزه، حياتمه بر سوء قصد ماهيتنده اولان فعاليتلرينه اعتراض ايتك شويله طورسون يالكز يان كوزله باقه جق اولسه ايدك، پاپاسلرى مملكتنده رسماً طابق بيله ايستمه ين فرانسه نك بوتون ديپلوماتلق ماكنه سى حر كته كلير. سفيرلر سرايى تهديد ايدر، باب على به نوطلر يافار ايدى. بو وضعيت بوكون بزم لهمزه دكيشمشدر. فقط ظن ايتمه بورزكه فرانسه نك حالت روخي سى تبدل ايتمش اولسون. چونكه كنديلرينه وقوع بولان مكرر ومقادى اخطارات ووصاياه رغماً پاپاسلر مكتبلرينه آلدقلى هر دين وملة منسوب چوجوقلر ايجندم خاچلر وبوكا مسائل تصاوير بولونان صنفارده تدريس وتعليمه دوامده، حكومه ميدان اوقور چه سنه بر شدتله، عناد واصرار ايتدكلى ايچون قاپانلدى قلى جهتله فرانسه ممثل سياسيسى همان خارجيه مرخصلغنه قوشه رق پروتستوسنى ياقمقدن خالى قالمشدر. بوكا حيرت ايتيمك قابل دكلدر. مملكتتمزده وجودي قبول ايتديكمز مؤسسات علميه، دينيه وخيريه ايچون بز هر زمان الك بويوك بر سربستى وي ريمكه آماده بولونويورز. فقط بونك الك برنجى شرطى بو كى مؤسساتك باشينده بولوناجق اولانلرك عادات

اوقويان وبو مؤسساتك استهداف ايتديكي غايه يي ياقيندن بيان هيچ بر وطنپرور تصور ايدمه يز كه بو قراردن طولايى درين بر حفظ و مديريت طويماسين. قايتولاسيونلرك بزي معنويتزدن صارصان، بر قورد كى ايچمزدن كيرن الك بويوك ضررلردن برى ده شرقده برلشن رهبان مؤسساته ميدانى تماماً سربست بر اقامى ايدى. وبو سربستى سايه سنده پاپاسلر، عصرلردن برى باشمه هر مملكتدن اوشوب بونك پاپاسلر تا صميم روحزه قدر كيرمك و صورت ظاهرده شفقت وانسانيت كسوله رينه بورونه رك بزي زهرله ديلر. كوزمزي درت آچماز سهق زهرله مكدم دوام ايدم جكلرينه ده شبه يوقدر. غربي شودر كه كندى مملكتلرنده، مثلاً فرانسه ده، اوتهدن برى جمع ايلدكلى نفود ايله، ايدندكلى املاك ايله بك قوتلى بر تشكيلات صاحبي اوله رق ميدانه چيقان وعادتا حكومت ايجنده بر حكومت تشكيلنه قالقان پاپاسلر كندى منسوب اولدقلى حكومتك قاهر بر ضرره سيله تا (۱۹۰۵) سنده سندن برى غصب ايتمكه چاليشدقلى قوتدن محروم بر اقدقلى حالده، بونلرينه عيني حكومت طرفندن خارج مملكتلرده شدتلى بر حمايه ومظاهرته نائل اولمشلردر. مشهور بر فرانسه ر جل سياسيسى بو فكرى دها اسكى زماندنبرى (پاپاسلر بر اخراجات اشياسيدر) جمله سيله بك نكته لى بر صورتده افاده ايتمش ايدى. شبه سز، فرانسه لرك كندى حسابنه بوفكر بك طوضريدن. رهبان كيتدكلى يردم منسوب اولدقلى مملكتك المؤثر، الك منفذواك كورولتوسز بر پروپاگاندا آلتيدز وبو آلت اوتهدن برى آيشلمش بر انضباط وتكميل سايه سنده قولاقلى هيچ تخريش ايتهدن، اورته لنى ولوله به ويرمه دن درين بر انتظام وسكونتله ايشلر. حق نفع و ضررينه چاليشدينى مملكت ايچون مصرفيه ده يوقدر. فرانسه جمهوريتى بودجه سندن شرقده كى رهبانك مره بانكى خصوصاتنه صرف اولنق اوزره بر سايتيم چيقايله چكنى خاطره كتيرمك بيله جائز دكلدر. بونلرك بوتون غيرتى، بوتون همق بر طرفندن كندى ملتلى، ديكر طرفندن ده نصرايت نامنهدر، يعنى كنديلرنجه بر مجادله مليه ودينه در. نشر معارف پرده سى آلتنده هم خريستيانلنى دنياك الك اوزاق كوشه لرينه صوفق، همده جلب قلوبه چاليشمقدر. راهبلك بو غايه به وصول ايچون نه صورتله اوغراشدقلى، نه قدر فدا كارلقلره، حق ايجابنده محروميتلره قاتلاندى قلى اوروپا غنوه لرنده، كتابلرنده وحق مملكتتمزده هر زمان كوزيرز. فرانسه داخلنده آرزو ايدلمه ين بر مخلوق كى تلقى ايدلمن پاپاسلر مملكتلردن آيريلنجه همان بر قهرمان وفدائى كسيلويورر. مقصدلرينه نائل اولانلرك موقفياتى

چین مسلمانلری چینک مختلف ولایتلرنده منتشردرلر . بونکه برابر آرلرنده قوتلی رابطهلر واردلر . چین مسلمانلری قسماً (چین) . مهاجرت واوراده توطن ایدن مسلمانلردن ، قسماً چین یزلیلرندن دین مینی قبول ایدن اهالیدن تشکل ایدرلر . بو مسلمان مهاجرلر (چین) . حضرت (عثمان بن عفان رضی الله عنه) دورندن اعتباراً کتیمکه باشلامشدرلر . خلفای اسلام ایله چین خاقانلری آرلرنده مناسبات حسنه جاری اولدیغندن (چین) اسلام تجارتی ایچون معظم برخرج ایدی . بخارادن ، ماوراءالنهردن ، عربستان و سائر اسلام مملکتلرندن کن برچوق تاجرلر چین ایله تجارت ایدرلردی . تاتار استیلاسی انناسنده برچوق مسلمانلر (چین) . هجرت ایدرک اوراده توطنه مجبور قالمشدرلر .

میلادک اون بشنجی عصرنده جنوبی مغولستان بو مسلمانلرک ارشاد ایله دین مینی قبوله و (چین) ک بائخقی (په کین) بر اسلام مرکزی اولغه ، جامعلر و مناره لرله تزینه باشلامشدی . (په کین) کبی (ست ژون) ده مراکز اسلامیه دن اولمش و بورادن یتیشهن مرشدلر بوتون چین ولایتلرینه طاغیله رق هر کسی مسلمانلغه دعوت ایتمشدرلر . اون سکننجی عصر میلادیده چین ایمپراطورلنی غرب طرفندن توسع ایدنجه مسلمانلرده نفوذ دینلرینی توسیعه چالیشمشلر و بوحوالیده هر کسی مسلمانلغه دعوت ایتمشدرلر .

پیغمبریمز ، چین ایمپراطورینی مسلمانلغه دعوت ایتک اوزره اصحابندن (وهاب ابن ابی کبشه) نی کوندرمشدی . مومی الیه چینه مواصلت ایتدیکی زمان چین ایمپراطوری طرفندن فوق العاده بر صورتده استقبال اولونمشدی .

صوک عصرلرده چین مسلمانلری برچوق ترقی آدیملری آتمشدرلر . چین مشاهیر علمای اسلامیه سیندن (ایان بنغ) ۱۶۴۶ سنه میلادیه سنده (هدایت اسلامیه) نامنده بر اثر تألیف ایتمش و بو اثر فوق العاده رواجه مظهر اولمشدی . (لان شو) نامنده کی مسلمان عالمی ده ۱۷۸۵ ده سیرت نبویه داثر چوق قیمتدار بر اثر نشر ایتمشدی .

حال حاضرده چین مسلمانلرینک احوالی فنا دکدر . ۱۹۲۱ سنه سنده چین مسلمانلری بعض آیات قرانیه ایله ترجمه و تفسیرلرینی محتوی مکمل بر اثر وجوده کتیرمشدرلر .

شمالی چین مسلمانلری هر اسلام محله سنده بر ابتدائی مکتب تأسیس ایتکله قرار ویرمشلر و برچوق محافل علمیه ، عمومی کتبخانه لر و اسلام جمعیتلری تأسیس ایتمشدرلر . بو جمعیتلردن بری نشر ایتدیکی بیاننامه ده

وغنائمه ، قوانین و نظامنامه رعایت ایتملریدر . فقط بزه قارشوی اولان فرنک ذهنیتی قولای قولای تبدل ایدمک بر ماهیتده دکدر . بو مؤسسه صاحبلی و مدیرانی سنه لرجه بوراده یاشادقلری و - هر نه صورتله اولورسه اولسون - راحتسز ایدلمه دکلی حالده تورکره حسن نظرله باقق خصلتندن محرومدرلر . بورایه سوء افکار ایله مشبوع اوله رق کلیرلر ، ده ا زیاده زهرلیرلر و کندی زهرلرینی آتمقدن باشقه بر شیئه اهمیت ویرمزلر . حکومتک ، حقه استناداً طوتدینی طریقده ثبات و متانت کوسترمه سنی ، پاپاس مکتبلرینه و مختلف ادیانه منسوب چوجقلر اوزرنده اجرای تأثیردن خالی قالمایه جق لواج و تصاویرک درس سنفلرنده تعلیقنه ذره قدر مسامحه کوسترمه سنی تمفی ایلوروز . فرانسه مملتک پروتستوسنده کی ایکنجی بر غرابتده بو حکومتک (لوزان) معاهده نامه سنه قارشوی اتخاذ ایتدیکی طور و مسلکدن انبعات ایدیور . (لوزان) معاهده نامه سنی ایتالیا تصدیق ایتدی . انکلتره تصدیق ایتک اوزره بولونیور . ژاپونیانکده پک یاقینده تصدیقندن بحث اولونیور . حالبوکه فرانسه ... فرانسه حالا بر طاقم خیالی مسائلک پشنده قوشویور . (آنقره) بی ترک ایدن مملتک رینه بر یکیسنی اقامه ایدمه جک وضعیته دو شمشدر . حال بویله ایکن فرانسه مملتک پاپاس مکتبلرینک سینی پروتستویه قالقشما سی شه سز ده ا زیاده بر لطیفه یه حمل اولونه بیایر .

خلاصه حکومتلردن خط حرکتی تبدیل ایتمه سنی تکرار طلب ورجا ایله یوروز . فقط بو مسئله ده خلقمزه ترتب ایدن بروظیفه واردرک اوده معصوم یاورولرینی دوغری دن دوغری به دینمزه و حیائمه زله مجادله ایدن بوکی مکتبلره کوندرمکدن فراغت ایتک لزومیدر .

اسلام عالی

چین مسلمانلری

هندستانده منتشر (ذی مسلم) غزته سی چین مسلمانلری حقتده معلومات آتیپی ویریور :

• چین مسلمانلرینک احوالندن پک یخبر بولونیوروز . چین مسلمانلری عصرلردن بری اسلام مالندن اوزاق یاشایورلر سه ده روح اسلامی تمامیه محافظه ایتمش و بوندن باشقه بر لکده یاشادقلری سائر انسانلری ده حقه ارشاد ایتکله مسلمانلرک عددینی چوقالتمغه موفق اولمشدرلر .